

Arrpa' anaref' allohuen allpon derechos ñeñf' e'ñe po'ñoçh yocop ñeñtcha' atef' yeþa'yena allohueney acheñeneshay ama't errañaren arr patsro

Ahuaf' añ fecha 10 de diciembre 1948 ñeñf' Asamblea General de las Naciones Unidas, ñetpa' quellquët ora allpon derechos ñeñf' e'ñe po'ñoçh yocop allohuenacpay acheñeneshay ama't errañaren arr patsro. Allochñapa' orrtachet añ ñoñets ñeñf' atef' anaref' derechos; ñeñtpa' ñeñtara orrtetsa arr añ paþllo. Allempo o' orrtachet añ papell ñapa' otyesan ora allohuen anetsoçhno ñeñt ~ orrtatene Naciones Unidas, ñorretepa' attoch epa'hua añ ñoñets errañaren arr patsro. Orrtachetepa' erracmañen allcha' lleya'yeset ora allpon pa'namen acheñenesha' arr patsro. Naña yeçhatyesetepa' añ derechos ora allpon escuelaçhno ñaña ora allohuen anetsoçhno ama't erroteneta po'gobiernoret.

Ñeñf' ñanom

Yapa' yeñoteñ ñerra'm yemneñ o'ch yeyçhena e'ñe cohuen añe patsro, ama yemneñe o'ch eñalleta ñeñtcha' yepatare'tene' ñeñf' yoçten ya; ñaña ñeñf' cha' ya'mçha'noçhtana'tenaya ama yemneñe o'ch orrta.

Ñerra'm yemneñ o'ch e'ñe poçte' es yeþanna'ta ñaña ñerra'm yemneñ o'ch e'ñe cohuen mueche'f' yeyçhena añe patsro, añ poçtetsa o'ch yeñotua. Afto ye'ñalleyesa arr patsro e'ñe atfecma cohuen yesherb'a'yen allohueney ñeñtey yeçha'yetsa añe patsro, amach eñalle ñeñf' atsenatpo' entenet.

Ñaña allohuenacpay ñeñtey arromñañey e'ñe atfecma eñall ñeñf' otenet derechos ñeñtcha' e'ñe cohuen yocshatene' añe patsro. Ñeñtpa' ama't eseshapa' amach puerratañperryeto ama't errponaña. Tarraña yeñoteñ ahuatoteñ ñerra'm esempo acheñenesha'pa' ama esoye eñchete'te añ derechos, ñetpa' erroñuanen þa'yesete'f' po'potantañ ñeñf' tsena'tenet. Ñeñtpa' yeñoteñ yeyoçhro ama aþapahuoyaye. Ñaña yeñoteñ añ atarr cohuen allohuenacpay ñerra'm chap allempo allohueney e'ñe cohueno'tsa'yeney arr patsro. Tarro'mar ñerra'm atet ~ yocsha'yena arr patsro amach es ya'mçha' - noçhtana'tenaye, amach eñalle ñeñt

~cha' yemuerochtatene'. Ama't allempo es yeños po'poñ ñeñf' cohuen yenten ya, amach eñalle ñeñf' cha' yote' eso'marite' peñen po'poñ coñapñats. Ñerra'm yapa' yame'ñeña po'poñ ñeñf' cohuen yenten ya amach eñalle ñeñf'cha' yepatare'tene'. Ñeñf' o'mar yeñoteñ e'ñe pocte' o'ch yene' ñoñets aftoch yeñotatanna'tyena ora allpon añ derechos aftoch allohuene'y e'ñech cohuen yentannena allochñapa' amach eñalle acheñ ñeñf' amuerochtatare'ttetsa. Allochñapa' amach orrtateneto a'parñats ñeñf' atet amuerochtatarettenet.

Ñaña yeñoteñ e'ñe pocte' e'ñech cohuen yamo'tstannena po'poñ acheñenesha' ñeñf' ye'cha'yetsa po'poñ anetso'mar arr patsro.

Ñaña yeñoteñ allohuen allpon pa'namen anetso'marnesha' ñeñf' orrtatene ñeñf' otenet Naciones Unidas, ñetpa ñeñta e'ñe cohuen entenet ñet. Ñeñto'mar ñet nenet ñoñets all quellco afto allohuene'y arromñatey ñeñtey eñalleteyetsa arr patsro e'ñech attecma cohuen yesherbā'yen ñaña allohuenacpay attecma eñall ñeñf' otenet derechos aftoch e'ñe cohuen yocsha'yena arr patsro allohuene'y ama t coyanesohuen. Ñeñf' o'mar ñetpa' añ e'nenet o'ch orrtatenet ñeñf' cohuen sherbets allohuenacpay acheñeneshay arr patsro. Allochñapa' aftoch allo'na yesen yenpanna'tnomtsa aftoch yocsha'yena e'ñe cohuen arr patsro o'ch yechyen ñeñf' yepallta'yena ñaña amach eñalle ñeñf' añcha 'nochtana 'tenaye, e'ñech cohueno 'tsa'yeney.

Ñaña yeñoteñ allohuen pa'namen anetso' marnesha' ñeñf' orrtatene' Naciones Unidas ñetpa' net po'ñoñ aftoch ñorra'yaset aftoch ame'ñachet allohuen acheñenesha' ñeñf' erraparo'tsa'yenet añ patsro, allochñapa' aftoch e'ñech cohuen entuenet añ derechos ñamet; ñeñf'pa' allohuenacpuet e'ñech cohueno'tsa'yenet.

Ñaña yeñoteñ ñerra'm po'ñoñ e'ñech cohuen yetsotuer e'ñe atet yene' yeñoñ añ poctetsa o'ch yeñotatanna'ta añ derechos ñeñf' allohuenacpay allochñapa' e'ñech cohueno'tsa'yeney.

Ñeñto'mar ñetpa'

ASSAMBLEA GENERAL ñeñtara Naciones Unidas arpa' orrtatenet

ORA ALLPON DERECHOS NENT ALLOHUENACPAY NENTHEY PA'NAMENEY ACHENENESHAY. Allochñapa' aŧtoch allohuen čhocmach yeyerpa'yena allohuen derechos ñeñf' aquellcaréttetsa arr. Ñaña čhocma yeyčhach po'potantañ aŧtoch ñetpa'čo'ña e'ñech cohuen aŧcha na'tpo' entuenet ñamet añ derechos. Allochñapa' aŧtoch ama't erracmañen arr patsro eñotueretcha' añ derechos ñaña po'ñočh atéŧcha' cohuen yemorrentanna'tuerra. Ñeñtpa' aŧtepa'ch perra arr yepatsño ama't ñaña ora erraḑaren po'potantañ anetso'mar arr patsro. Aŧtepa'ch perra allohuen anetso'marnesha' ñeñf' orratene' Naciones Unidas ama't ñaña po'potantañ ñeñt yenpuenet ñet. Allpon derechos ñeñt yechyen aŧtoch e'ñech cohuen yeyča'yena arr patsro ñeñtpa' añečno:

Cōtaḑñats 1.

Allohueney ñeñtey arromñatey aŧto ye'ñalleyesa arr patsro e'ñe aŧtecma cohuen yesherbā'yen. Ñaña yechyen allpon derechos aŧtoch e'ñech cohueno'tsa'yeney arr patsro. Ñaña allohuen aŧtecma yechyen alloch yočtape' chyen cohuen ñaña yeñotyen yeyočhro ñeñf' e'ne pocte' enten acheñenesha' ñaña ñeñf' ama pocteye' enteneto. Yeñoteñ añ poctetsa e'ñe yemo'nasheñ yeḑannena ama't ora allohuen allpon acheñenesha' ñeñf' añe patsro'tsa'yeney.

Cōtaḑñats 2.

Ora allohuen allpon acheñenesha' ñeñf' añe patsro'tsa'yen, aŧtecma echyenet añ derechos aŧtoch e'ñe cohuen yeyča'yenet arr patsro. Allohuenet aŧtecma echyenet añ derechos ama't erra'tseñte' po'ñreñtsoret penet, ñaña ama't erročena orrtenet, ama't quelluareret ama't ñaña ñeñf' huallama'tareret, ama't coyaneshohuenet aŧtecma echenet añ derechos. Ñaña ama't erra'tseñte' ñeñf' po'yomporer penet ñaña ama't erra'tsen cōtape'chyenet ñeñf' cohuen entyenet po' gobiernocop ama't po'poñ počtaḑñar e'ñe aŧtecma echenet añ derechos ñeñf' allohuenacpay ñeñtey arromñatey arr patsro. Ama't ñeñf' huocchañetets arr patsro, ñeñf' ama es echyetso arr patsro ñeñf' ama esoye' enteneto, ñetpa'čo'ña e'ñe aŧtecma echenet añ derechos ñeñf' allohuenacpay ñeñf' ey

arromñátey. Ñaña attecma echenet añ derechos ama't erra'tsena anets all ye'cha'yenet ñaña ama't erro'ten po'gobierno echenet all pa'netsro. Ama't po'gobierno am'cha'no'chtana'tanetañ amapa' e'ñe cohueno'tsa 'yenet e'ñe attecma echenet añ derechos ñeñf' allohuenacpay ñeñtey arromñátey arr patsro.

Cōtaññats 3.

Allohueney yechen derecho o'ch yocrrena arr patsro amach eñalle ñeñtcha' am'cha'no'chtana'tenaya. Elloña eñall ñeñtcha' yemoñenaya.

Cōtaññats 4.

Ama't puesheñarraya acheñey amach ataruasatarēteye e'ñe afta. Amuepa'ch pomueñeto acheñ ñeñtcha' taruasatenet e'ñe afta, ama't erro'tena.

Cōtaññats 5.

Ama't puesheñarra amuepa'ch amuro'chtatarēteno ene afta, amach atserrpāre'tteneto atēñ ñerra 'mrrāte' berr atserrpenet.

Cōtaññats 6.

Ora allpon leyes ñeñf' anarēte'tyetsa allohuen acheñenesacop ñeñtpa' ñeñtcha' a'pocatyenahuet ama't puesheñ'a'ttset ñerra'm esempo echenet problema.

Cōtaññats 7.

Amach eñalle acheñ ñeñtecop ama sherbeno añ leyes ñeñf' atēñ anarēt. Attecmach yenpuenana ama't allohuen acheñenesha', amach eñalle acheñ ñeñt ama amorrentarēteyaye. Ñaña añ derechos ñeñf' aquellcarēt arr, ñeñtpa'cho'ña attecmach allohuenacop ñeñtcha' moñenaya ama 't erra'tsena acheñer ñerra'm esempo eñall ñeñtcha' puerratañpsahuetañ añ derechos.

Cōtaññats 8.

Ñamã ñerra'm esempo esesha'pa' mueneneñ o'ch puerratarĩpsan acheñenesha' añ derechos ñetpa' e'ñe pocte o'ch e'nenet autoridades ñeñtcha' a'pocatterrahuet ñeñf' atef' anaref' po'leyes ñamã po'constitución.

Cótaññats 9.

Amuepa'ch armatarétteno acheñ e'ñe afta. Amuepa'ch yottaĩpesyeneto acheñ e'ñe afta. Amuepa'ch mueño ' teneto acheñ ñachayo allcha' mueroçhtena.

Cótaññats 10.

Ñamã allohuen acheñenesha' ama't esesha' ñerra'm esempo otteñe'charéttena ñapa' echenancha' derecho o'ch a'pocattat ñoñets e'ñe cohuen juezesho. Juezpa' e'ñech cohuen o'ch eñoç ñerra'm po'ñoçh atef' o' ñohua. Amach e'ñe afta atserrpeñeto. Ñamã ñeñf' otteñe'charéttetsa juezpa' o'ch eñotach ñeñf' derechos echen ñamã ñeñf' po'deberes. Amach es a'nahua o'pateñeto ama't puesheñarra acheñ.

Cótaññats 11.

1. Ñamã ama't esesha' ñeñf' otteñe'charéttetsa allo'tsen autoridades, amuepa'ch ahuen otatsteto autoridades añ acheñ po'ñoçh atef' o' ñohua. Añcha' ñanom e'ññoçhetepa' ñeñtcha' yenpuene' ñeñf' otteñe'charéttetsa. E'ñech cohuen acoña eñoçhet po'ñoçhte' atet' o' ñohua. Ñeñtcha' atet'cha' penet allo'tsa'yen shonte' acheñenesha', amuepa'ch a'nahua o'pateñeto.
2. Ñamã añecpuepa'ch coñchachet acheñ ñeñf' aĩpare'tene' ñoñets ñeñf' atet' anaret' e'ñe allempo. Ñamã ñeñf' atet' anaret' ñeñtcha' atet' coñchachet acheñ ñerra'm aĩpare'chet añ ñoñets ñeñf' atet' anaret' ñeñtchach coñchachet allempo. Amuepa'chña añe'na coñchateñeto acheñ ñeñf' ahuatoteñ atet' petsa allempo ama eñalle ley ñeñf' otets atet'cha' seña. Ñamã añach coñchatenet ñeñf' aĩpare'tene ley e'ñe atet' anaret'. Amachña

añe'na coñchateneto aton ñeñf' ama affeye' anare'ttena allempo
atpare'tena.

Cōtaññats 12.

Ñamã ñeñf' e'ñe yocpa atēt ñerra'm yepaquell ñamia yamo'tsesha' ñeñf' parro
yeychena ñamã allohuen ñeñf' yechen ñeñtpa' e'ñe yocpa. Po'potantañpa ama
pocteyaye o ch be'toset affoch o'patapretenyet ñeñf' e'ñe yo. Ñamã amach
asasaretpahuoyayye, ñamã amach asochatse'tpahuoyayye. Ñamã allohuen ñeñt
asasare'ttetsa e'ñe affa ñamã ñeñf' asochatse'tare'ttetsa e'ñe affa, ñetpa' echenet
derecho o'ch moñenanet añ ley ñeñf' atēt anare't.

Cōtaññats 13.

1. Ñamã allohuen acheñenesha' echenet derecho o'ch chope'chyeset ama't
erra sechyenet allohuanen puen Estado alí yechenet.
2. Ñamã echenet derecho ñerra'm monenet o'ch salerret ama't erra'tsena
Estadof' ama't ñerra'm muenenet o'ch salerret ama't ñet pue'stado'tpa e'ñe
pocte'. Ñamã echenet derecho o'ch cha'cherret pue'stado ñerra'm esempo
monenet.

Cōtaññats 14.

1. Ñamã ñerra'm esempo amuerochtatare'tta ama't puesheñarra e'ñe affa
poc'tañño'maret ñetpa' echenet derecho o'ch yeterret, ahuerret po'poñ
anetso allcha' agapare'tterret e'ñe cohuen.
2. Tarraña ñerra'm acoñchatare'ttet tãro'mar o' muetset acheñ amapa'
atpare'tet po'poñ leyes amapa' añ derechos ñeñf' nen Naciones Unidas
ñerra'm ñeñtecop acoñchatare'ttet amach agapare'tteto po'poñ anetso.

Cōtaññats 15.

1. Ñama allohuen acheñenesha' echenet derecho ñeñtcha' pa 'netser penet.

2. Ñaña amach errotenof puerratañpseto acheñ po'derecho affo pa'netser penet. Tarraña ñerra'm esesha' mone' o'ch yecha'huerret po'poñ anetsro ñeñtcha'pa'netser perr allempoteñ ñeñtpa' e'ñe pocte' ñeñtpa' po 'derecho.

Cotaññats 16.

1. Ñaña allohuen acheñ ñeñf' po'nare' ñerra'm muenen o'ch sena'ta ñaña coyanesha' ñerra'm muenen o'ch some'ta, ñeñtpa' e'ñe pocte' ñeñtpa' po'derecho. Pocte' o'ch yoranna'tet affoch chemere'tet. Ama't esesha' muenats e'ñe pocte ama't erra'tsenite' po'mreñtsoret penet, ama't erra'tsenite' ñeñf' pa 'netser penet, ama't erra'tsenite' po'yomporer penet. Ñaña coyanesha' affecma echenan derechos ñeñf' echen yacmanesha' ñerra'm esempo o'ch some'ta. Ñaña allponmat yoranna'tet coyanesha'pa' ñeñtecma derechos echen ñaña ñerra'm sannerretpa' coyanesha'pa' affecma echenan derechos.
2. Tarraña ñerra'm esesha' ama muenenaye o'ch yoran po'psheñeñ ñeñtcha' puerrollar ña' amapa yacma ama mueno ñeñtcha' puetäpor ña', pamo'mte'pa' amach errotenof apano po'psheñeñ yacma e'ñe ña po'huamencof ñerra'm coyanesha' ama mueneñe.
3. Ñaña ñeñf' yeçheta parro pa'paclo ñeñf' pamo'tsna'tar ñannena ñeñtpa' e'ñe pocte' atet yeychen arr patsro. Ñeñto'mar ñeñtpa' gobiernocop o'ch cohuañpenan allohuen familias ñeñf' parro yecha'yenet.

Cotaññats 17.

1. Ñaña allohuen acheñenesha' echenet derecho o'patetepa' ñeñf' e'ñe ñocmuet, atef ñerra'm pa'paquell, po'patseñ, payara. Ñaña e'ñe pocte' o'ch o'pataprecha po'potantañ ñeñf' parrocmata ruasa'yenet.
2. Ñaña ama aprratañpespahuoyaye e'ñe affa ñeñf' yo'patena ya atet ñerra'm yepaquell, yepatseñ, yayara.

Cotaññats 18.

Ñarña allohuen acheñenesha' ama't erra'tsena acheñer echenet derecho o'ch cotãpe'chyenet ñeñf' e'ñe cohuen entenet ñet pueyoçhreto. Ñarña allohuen acheñpa' echenet derecho o'ch po'yomporer peñet ñeñf' e'ñe cohuen entenet ñet. Ñarña ñerra'm esempo muenenet o'ch po'poñet po'yompor-ret, ñeñtpa'çho'ña e'ñe ñocpuet po'derecho. Ñarña e'ñe pocte' o'ch apçha'yenet epuet po'potantañ ñeñf' parrocmama ame'ñenet. Ñarña e'ñe pocte' o'ch yeçhatyesan po'potantañ ñeñf' muenene' o'ch eñoteret ñamet. E'ñe pocte' o'ch etsoteñet ora aftoch sherbeñet po 'yompor-ret.

Cotãpñats 19.

Ñarña allohuen acheñenesha' ama't erra tsena acheñer echenet derecho o'ch serrpare'tatanna'tyeset ñeñf' atef cotãpe'chyenet ñet ñeñf' cohuen entyenet ñet. Amach e'moñe'tarēteye afto yapa yoctēn añ derecho. Ñarña e'ñe pocte' o'ch e'nyenet aftoch eñoteret erra'tsenite' cotãpñatser ñeñf' cohuen entyenet ñet. E'ñe pocte' o'ch agapyenet añ cotãpñatser pueyçhateña, ñarña e'ñe pocte' o'ch eñotachet po'potantañ ñeñf' atet pena añ cotãpñats. Ama't errotenot eñotachet po'potantañ acheñ, ñeñtpa' e'ñe pocte' ama't po'quellcof ama't radiof ma't errotenota. E'ñe pocte' o'ch çhapatyaset ñeñf' cotãpñats po'poñ anetso'mar.

Cotãpñats 20.

1. Ñarña allohuen acheñenesha' echenet derecho o'ch apçha'yenet ora allohuen ñeñf' parrocmama ame'ñenet ñerra'm e'ñe cohuen mueche't ~serrpare'tanna'tyenet añ poctãpñet.
2. Ñerra'm esesha' ama muenenaye o'ch cotãpe'chet e'ñe parrocmama po'potantañ poctãpñet, ama pocteyaye ñerra'm po'potantañ po'huamencotētpa' o 'ch ame 'ñatateñet ñeñf' ñet poctãpñe.

Cotãpñats 21.

1. Ñaña allohuen acheñenesha' ama't erra'tsena acheñer echenet derecho o'ch cotãpe'chatyeset ñeñl pa'mñcha'tarēterneshet. Ñaña allohuen acheñenesha' ama't erra'tsena acheñer echenet derecho o'ch votet añecop ñeñtcha' sherbats gobiernocop.
2. Ñaña allohuen acheñenesha' ama't erra'tsena acheñer ñeñf muenene o'ch taruasapretan gobierno allohuenet e'ñe aftecma echyenet derecho.
3. Ñaña erra'tseñte' cōtãpñatser ñeñf cohuen enten acheñenesha' ñerra'm shonte' acheñ ñeñt atef muenenet, atētcha' perra po'gobierno. Ñaña aftoch eñochet este' po'ñoçh muenen allohuen acheñenesha' eñalletepa'ch elecciones ama t errotenōta; allcha' vota'yenet añecop ñeñf e'ñe cohuen entyenet ñet. Ñaña ñeñtpa' e'ñech a'nahua vota'yenet aftoch po'potantañpa' amach errotenof po'huamencoñeye' votatenaneto ñeñf atet ~muenenet ñet. Ñaña allohuen acheñenesha' e'ñe pocte' vota'yeset añecop ñeñf cohuen entyenet ñet.

Cōtãpñats 22.

Allohuen acheñenesha' ama't erra'tsena acheñer echenet derecho o'ch agapueñet seguridad social ñeñf atef yenpuenanet po'gobierno ñerra'm esempo machayoña es pasahuet. Allochñapa' aftoch amach tama penca'yeneto, e'ñech aftera cohuen orrtatyenet. Ñehua, ama't erra'tsena anetser a'pocstatenan pa'cheñeneshar añ derechos ñeñf otenet seguridad sociales.

Cōtãpñats 23.

1. Ñaña allohuen acheñenesha' ama't erra'tsena acheñer echenet derecho o'ch taruasa'yeset aftoch gana'yeset quelle. Ñaña e'ñe pocte' erra'tseñte' taruas muenenet allcha'ña taruasa'yenet. Ñaña ñeñt taruasatenahuet e'ñepa'ch cohuen apa'yesanet allcha' taruasatyesanet. Ñaña amuepa'ch huañapeseto po'taruaset aftoch amach pallteneto quelle.
2. Ñaña allohuen ñeñt aftecma taruasa yetset allponeshacmuetepa'ch gana'yenet quelle. Arepa'ch eñalle ñeñf ama amorrentarēteyaye.

3. Ñaña allohuen ñeñf taruaset atsa'tatare'ttetepa'ch allpon ñeñf poctetsa allochñapa' attoch cohuen ye'cha'yenet pamo'tseshohuen amach tama penca'yeneto puepallteñōtet. Ñerra'm allpon gana'yenet ama alcanseno attoch yora'yaset ñeñt allpon pallta'yenet eñalletepa'ch seguridad social ñeñtcha' yenpa'yenahuet.
4. Ñaña allohuen ama't erra'tsena acheñer echenet derecho o'ch parrocmatet epuet sindicato ñeñtcha' moñenahuet ñeñf e'ñe ñocueta all taruasa'yenet.

Cōtaññats 24.

Ñaña allohuen ama't erra'tsena acheñer echenet derecho o'ch amesa'yenet allpon horas ñaña allpon ye't. Amach ellapenete'te arepenete'te taruasetset. Ñaña amesyestetepa'ch allponmat ñeñf vacación, atsa'tatare'ttetepa'ch ama't allponmat echenet vacación.

Cōtaññats 25.

1. Ñaña allohuen ama't erra'tsena acheñer echenet derecho o'ch echenet allpon attoch ye'cha'yenet cohuen arr patsro ama't pamo'tseshohuen attoch yora'yenet puerrar, pa'shtam, pa'paquellat ñaña attoch partatyenet ñaña attoch yenpa'yenat po'potantañ pamo'tseshachno. Ñaña ñerra'm palltapesyenet po'taruaset alloch gana'yenet quelle echenet derecho o'ch ayenpare'ttet. Amapa' ñerra'm atsna'tyenet attoch ama taruaseto allponmat echenet derecho o'ch ayenpare'ttet. Amapa' ñerra'm machayota atserrpenet, amapa' ñerra'm rre'torrnanasha' amapa' ñerra'm po'nme'ten amapa ñerra'm esempo es huapoya echenet derecho o'ch ayenpare'ttet.
2. Ñaña allohuen ñeñf achoyoreshai ñaña allohuen cheshaneshachno ñetpa' echenet derecho o'ch acuamñpsare'ttyenet ama't ñeñt ellopnanasha' ñamet.

Cōtaññats 26.

1. Ñaña allohuen ama't erra'tsena acheñer echyenan derecho o'ch estudia'yeset escuela. Ñaña attoch estudia'yeset escuela amach cobraneto ñeñf Primariacop. Allohuen cheshanasha' atef anaref ñocpuet chocma estudienet Primaria, ñeñf obligatoria. Ñaña eñalletepa' escuelas allcha' estudia'yenet ñeñtcha' po'taruas penet ñaña eñalletepa' escuelas allcha' estudia'yenet estudios mas avanzados ama't añecop ñeñf atarr torretsa ñeñf atarr es eñotets.
2. Ñaña añecop sherben afto yeçhateñet cheshanasha' attochcha' eñotyenet ñeñf atarr sherbets arr patsro attoch e'ñech cohuen eñotatyenan po'potantañ acheñenesha'. Allochñapa' attochcha' amach muena'yeneto o'ch puerratañpsanet po'potantañ po'derechos attoch mueroçhtatanet. Cohuencha' yeñotatanna'tyena ama't pa 'namen acheñeneshay. Cohuencha' ya'huanten po'potantañ ñeñf po'poñ cotāpe'chyenet ñet. Ñaña chocmuepa'ch yamo'ts yeñanna'tyena ama't pa'namen anetsoçhno all yeycha'yena, ama't pa'namen mereñtsoreçhno ñeñf parro ye ñalletyesa, ama't pa'namen yeyomporer yeña'yen. Añecop yeychach cheshanasha' cohuen attoch e'ñech cohuen torra'yerret ñamet añecop ñeñf cohuen enten Naciones Unidas allochñapa' attoch allohueny e'ñech cohuen mueche'f yeycha'yena arr patsro.
3. Ñeñf chesha' ñeñf ama po'nena' pamo'mtepa' echenan derecho o'ch mueñanet erra'tseñe', escuela ñeñf cohuen enten pamo 'mte.

Cōtaññats 27.

1. Ñaña allohuen ama't erra'tsena acheñer echyenan derecho o'ch torra'yenet ñeñf atet yeçha'yenet ñet, ñeñf cohuen entyenet ñet. ñaña e'ñe pocte' o'ch cosha'yeñet po'taruas ñeñf coçhnesha' entyenet ñet. Ñaña ñeñf eñotyenet ñeñt atarr sherbets alloch progresayenet

científico'marecop, ñeñf pa' ñeñtcha' yenpuenahuet alloch ello atarr
cohuen yecha'yenet arr patsro.

2. Ñaña ñerra'm esesha' yeçcatene' ñeñf atarr sherbets allohuenacop atet
ñerra'm ñeñf científico'marecop amapa'ñerra'm libro ñeñf que1lquënet
allohuenacpuet amapa'erra'tsen po'taruas ñeñt atarr sherbets
allohuenacop, ñapa'echenan derecho aftoch ganena quelle po'taruasot
ñaña echenan derecho aftoch coshapreteñet po'taruas, amuepa 'ch
aprratam̃psareñtena po'derecho.

Cotapñats 28.

Ñaña ora allpon derechos ñeñf aquellcaref arr, allohuen ama't erra'tsena
acheñer echenet derecho o'ch e'ñe atet perret. Ñeñto'mar añ poctetsa patet'tets
anetso orrtatyesetepa' pa'namen cohuen proyectos aftoch acheñenesha'pa'
entyerret ora allpon po'derechos.

Cotapñats 29.

1. Ñaña allohuen ama't erra'tsena acheñer echenan po'deberes
po'potantañecop ñeñtara pamo'tsesha' ñeñf parro yeçchenet pa'netsro.
Ñeñf deberespa' ñeñtpa' atfo e'ñe cohuen yeyenpanna. Ñerra'm atet
ñeperra e ne all yamo'tsesheshopa' e'ñech cohuen yeychen aftoch
yetsotuerr ñeñf e'ñe cohuen puesheña'ttsocpay.
2. Ama't yechyeneñ shonte' pa'namen derechos ñeñtcha' yorrtatyen, ñarraña
amach añ yorrtatatsto ñeñt afto erroñuanen yepeñ po'psheñeñ. Tarro'mar
ñeñtpa' ama aþapahuoyaye ñeñt atef oteneý ley ñeñt anaref. Tarro'mar
ñerra'm erroñuanen yepeñ po'psheñeñpa' aftoña yeprratam̃peñ ña
po'derechos. Tarraña ñerra'm e'ñe cohuen yeyenpanna ñaña e'ñe
mueche't yeychena, ñeñf pa' ñeñf a poctetsa. Ñeñtpa' chocmach yorrtaten
ñerra'm yechen gobierno democrática all añcha 'tareñtapreteñet allohuen
acheñenesha'.

3. Ñaña ama't shonte' pa'namen derechos yechyen ñeñf' anaref' arr, yapa' amach yorrtatsto añ derechos añecop ñeñf' ama pocteye' enteñe Naciones Unidas. Añcha'ña yorrtaten ñeñf' cohuen enten Naciones Unidas.

Cōtaññats 30.

Ora allpon derechos ñeñf' aquellcaref' arr, ama't pafira derecho amach ahupore 'tpahuoyaye ama't erroṭena.